

2A SESSIONE STRAORDINARIA DI U 2017

1^u è 2 DI GHJUGNU

N° 2017/E2/030

**DUMANDA URALE FATTA DA MADAMA Delfina ORSONI
(NON ISCRITTA)**

**OGETTU : CAMERA DI CUMERCIU È D'INDUSTRIA D'AIACCIU È DI PUMONTI
SOTTU SURVEGLIANZA**

O Sgiò Presidente,

Pocu fà a stampa hà resu contu di a demissione generale di u presidente è quasi a metà di i consiglieri di a Camera di Cumerciu è d'Industria d'Aiacciu è di Pumonti. Tandu ùn fermanu più oghje chè 21 eletti nant'à i 40 chì li tocca à move ed animà issu mutore primurosù di l'ecunomia isulana.

Pocu fà, u Sgiò prefettu intervenendu durante l'assemblea generale d'investitura di a nova squatra dirigente u 28 d'aprile scorsu, hà dettu in modu chjaru i dubiti di soiu, hà ramintatu e cundizione di messa sottu tutela è prumessu una vigilanza rinforzata nantu à a gestione di a CCI d'Aiacciu è di Pumonti.

È puru, hè di primura a parte d'issa istituzione consulare, per via chì quessa gestisce a cuncessione, pè u contu di cullettività territoriale di Corsica, di 2 aeruporti internaziunali, 4 porti internaziunali di cumerciu è 1 portu di piacenza. A CCI t'hà dinù assai relazione varie cù a CTC, in particolare cun l'ADEC chì hè u so partenariu principale. Via, a CCI hè cumpagna à custruisce l'apertura di a nostra isula ver'di u fora, è particepghja à sviluppà un'autunomia campatoghja.

Tandu, in issa situazione tesa assai, o Sgiò Presidente, vi vogliu dumandà chì misure pudereste piglià da pudè vi assicura chì l'interessi di a CTC sianu tenuti à contu è chì a CCI pudessi riempie in modu u megliu pussibile l'ubbligazione di soiu di pettu à a nostra assemblea.

O Sgiò Presidente, vi ringraziu di anticipu pè i schjarimenti ch'è vo accunsenterete à porghje ci